

上清靈寶大法卷之二十三

觀八

上清靈寶大法卷之二十三

觀八

洞微高士開光救苦真人甯全真授

上清三洞弟子靈寶領教嗣師王契真纂

經句符書門

書符敕朱墨咒

上清訣
墨 炁

朱南炁

太玄殺炁朱丹流光入於其中萬惡逃亡急
急如靈寶符命律令

敕筆咒

神筆通靈上合玉清書符殺鬼治病安寧凶
災萬禍所向摧傾符到奉行

發符咒

玉清訣
天門炁

靈寶大法元始真文虛无大道結化三清炁
降入符符到安寧人生鬼殺永保無終急急
如律令

開印咒

玉清訣視
印取用

太上玉帝真命河魁玉清至靈上清寶勅太
清奉行萬無不辟急急如律令

用印咒

玉清神印丹霞赤文開光十天召真致靈印
之所到萬神敬從急急如律令

右法叩齒三通存青黃白三炁自天門下
覆印右手敬手印使之

收印咒

九靈九真九仙九聖九天九炁覆蓋神印玉
女玉童侍衛交并靈官力士常保萬真急急
如律令

濟生心印咒

玉清有命總炁虛无雲龍交篆立注丹書急
急如元始上帝勅中文

度死心印咒

虛皇祖炁大梵飛行靈光注筆塗苦罷對幽
暗罪魂普監上生急急如元始上帝勅

燒香咒

諸天十方无極至真大神王

右法以東方爲始召降如五老啓途群仙

觀八

翊轅之類下降於十方然後從心中所陳

祝之次上香定心

定心咒

魂神澄正萬炁長存不經苦惱身有光明三
界侍衛五帝司迎萬神朝禮名書上天功滿

德就飛昇上清

右一十句取本命方炁咽之行爭隨炁所願無不上達

治萬病咒

大行梵炁周回十方中有度人不死之神中有南極長生之君中有度世司馬大神中有好生韓君丈人中有南上司命司錄延壽益算度厄尊神迴骸起死無量度人

右九句凡炁血凝滯體有小疾即端坐雙手玉清訣念一遍取東南炁入口中閉炁

存炁如黃霧之狀自五臟穿入骨節皮毛
之中皆為黃炁良久體有小熱其病即愈
凡治疾布炁並用

生真炁呪

混洞赤文无无上真元始祖劫化生諸天開

觀八

三

明三景是為天根上無復祖唯道為身五文
開廓普殖神靈無文不光無文不明無文不
立無文不成無文不度無文不生

右一十五句每日早雙手玉清訣面東南
念五遍存天降五色雲以鼻引入口咽之

存歸三田如此五藏充實三田盈溢皆成
真炁萬邪不干

五嶽持身咒

混沌分光開元祖劫三台四聖南北九天八
卦大神五星三皇三天師真五嶽持身三塗
六丁六甲神仙神虎四直上帝降炁內鍊化
成玄女通真雲雷發震生化自然急急上奏
與天齊年

右法子午訣五方炁罩身

安神定志咒

青帝護魂白帝侍魄赤帝養炁黑帝通血黃
帝中主萬神無越青天魔王巴元醜伯赤天
魔王負天擔石白天魔王反山六目黑天魔
王監醜朗馥黃天魔王橫天擔力五帝大魔
萬神之宗飛行鼓從總領鬼兵麾幢鼓節遊
觀太空自號赫奕諸天齊功上天度人嚴攝
北艷神功受命普掃不祥八威吐毒猛馬四
張天丁前驅大帥仗幡擲火萬里流鈴八衝
敢有干試拒遏上真金鉞前戮巨天後刑屠
割鬼爽風火無停千千截首萬萬翦形魔無

千犯鬼無妖精三官北豐明檢鬼營不得容
隱金馬驛程普告無窮萬神咸聽三界五帝
列言上清

右咒每日早持一遍不問出入行藏此為
泰定心神通暢血脉運化無滯周行世界

護八
治疼痛咒

青帝護魂白帝侍魄赤帝養炁黑帝通血黃
帝中主萬神無越

右咒六句震文東炁離文南炁兌文西炁
坎文北炁中文中炁並咒一遍吹病人疼

處令咳嗽一聲不過三次疼即止

五斗保生命咒

東斗主筭西斗記名北斗落死南斗上生中
斗大魁總監衆靈

右六句每遇夜星朗時向五方各咒一遍
取五方炁吹身佩五斗符萬邪不干千災
去矣

治病驅邪法

凡驅邪止奏心章與之分別人鬼不得妄
入鬼神情罪先用五斗五魔符與之安鎮

五臟保命生津驅逐邪炁半月日後却朝
元奏請中理五炁混合百神符付之吞服
鎮守黃庭

治顛邪法

凡顛邪之類即存三宮天尊升在泥丸宮

觀八

列玉局坐呼召身中五臟正炁五升天中五

星正炁各化爲帝者各方服色執玉圭後

更將五臟五星變爲五斗每星如道士之

狀各方服色依方位立執青簡更將五臟

五星變爲五天魔王如人間武士之狀各

方服色執戟佩弓劍依方位立却存已神
將升五帝五斗五魔直前擒下鬼賊到天
尊前約束押赴三官都司聽斷仍念咒曰
神公受命普掃不祥八威吐毒毋猛馬四張天
丁前驅大帥仗幡擲火萬里流鈴八衝敢有
干試拒遏上真金鉞前戮巨天後刑屠割鬼
爽風火無停千千截首萬萬翦形魔無十犯
鬼無妖精三官北豐明檢鬼營不得容隱金
馬驛程

右咒九遍給五帝五斗五魔符與患人服

一月若欲求報應於病人夜卧時用各符一道令吞用一道安頭髮上又一道貼帳帶上又一道同劄焚竈中告示六神同三五將軍追攝報應凡用符須先朝元請降方行如報應了收前符於淨處焚之

禳鎮法

凡有大不祥用鐵板五片闊三寸長九寸書五魔符背後寫因依年月日時法位奉行先具心章密奏上玄請降符命方可行

之

佩符咒

侍經五帝玉童玉女各二十四人營衛神文
保護受經者身

右咒凡木命人取東炁火命南炁金命西
炁水命北炁土命上方炁吹符上清訣

觀八

六

度一切亡魂咒

普告三界無極神鄉泉曲之府北都羅豐三
官九署十二河源上解祖考億劫種親疾除
罪簿落滅惡根不得拘留逼合鬼群元始符
命時刻昇遷北都寒池部衛形魂制魔保舉

度品南宮死魂受鍊仙化成人
生身受度劫劫長存隨劫輪轉
與天齊年永度三途五苦八難
超凌三界逍逸上清

右咒並玉清訣東炁

安宅祝土咒

七日七夜諸天日月星宿璇璣玉衡一時停
輪神風靜默山海藏雲天無浮翳四氣朗清
一國地土山川林木緬平一等無復高下土
皆作碧玉無有異色衆真侍坐

右一十五句凡動土丁罡七步取旺方土

一合面北搗玉清訣念七遍取西北炁吹
土上於所造方上置土供養畢以水調塗
於中庭即萬殺千恠並皆回避如犯土家
宅不寧依法咒土以水調洒一宅中

元洞咒水

觀八

七

元洞玉曆龍漢延康眇眇億劫混沌之中上
無復色下無復淵風澤洞虛金剛乘天天上
天下無幽無冥無形無影無極無窮溟滓大
梵寥廓無光赤明開圖運度自然

右一十六咒汲東流水置器中存神為靈

寶真人三清居三田之中左日右月五星
居五方五帝侍水五星日月降光輝入水
五靈衛水玉童玉女立于左右斗罡指水
即叩齒三十二通念咒三十二遍取五方
炁入水雖盛夏久停亦無蟲穢九治病可
用吞符或者煮粥煎藥皆可如時疫流行可
咒此水以楊竹枝遍灑其瘟毒自散立得
痊安

命魔驅邪炁咒

青天魔王巴元醜伯赤天魔王負天擔石白

天魔王反山六日黑天魔王監醜朗馥黃天
魔王橫天擔力五帝大魔萬神之宗飛行鼓
從總領鬼兵麾幢鼓節遊觀太空自號赫奕
諸天齊功上天度人嚴攝北豐神公受命普
掃不祥八威吐毒猛馬四張天丁前驅大帥
仗幡擲火萬里流鈴八衝敢有干試拒遏上
真金錢前戮巨天後刑屠割鬼爽風火無停
千千截首萬萬翦形魔無干犯鬼無妖精三
官北豐明檢鬼營不得容隱金馬驛程普告
無窮萬神咸聽三界五帝列言上清

右法玉清訣凡給符治人身一切邪炁皆
以北炁治之

布炁咒

真中有神長生大君無英公子白元尊神太
一司命桃康合延執符把籙保命生根上游

觀八

上清出入華房八冥之內細微之中下鎮人
身泥丸絳宮中理五炁混合百神十轉回靈
萬炁齊仙

右一十八句玉清訣叩齒三通咒三遍北

炁吹病身吸炁後揉痛處即安

和合百事咒

千和萬合自然成真

右法凡和合托水面北咒七遍南炁吹水
祝心中事七次噴其方即和合

治眼疾咒

諸天日月星宿璇璣玉衡一時停輪神風靜
默山海藏雲天無浮翳四氣朗清

右七句取淨土一塊面東南咒九次吹土

併咒水洗赤眼立安凡治目疾符水用

治瘟疫咒

東送妖魔精斬馘六鬼鋒諸天炁蕩蕩我道

日興隆

右四句九入瘟家治病勅水布炁用

黍米咒

於是元始懸一寶珠大如黍米在空玄之中

觀八

九

去地五丈元始登引天真大神上聖高尊妙

行真人十方無極至真大神無鞅數眾俱入

寶珠之中天人仰看唯見勃勃從珠口中入

既入珠口不知所在國人廓散地還平正無

復歎陷元始即於寶珠之內說經都竟衆真

監度以授於我當此之時喜慶難言法事粗
悉諸天復位條歛之間寂無遺響是時天人
遇值經法普得濟度全其本年無有中傷傾
土皈仰咸行善心不殺不害不嫉不妬不姪
不盜不貪不欲不憎不妬言無華綺口無惡
聲齊同慈愛異骨成親國安民豐欣樂太平
經始出教一國以道預有志心宗奉禮敬皆
得度世

右法左手托赤黍米不以多少右玉清訣
自東方為始至下方每一方咒十遍存一

方天真大神飛天神王千乘萬騎並入黍
中十方計一百遍咒了取西北炁吹治一
切疾

咒靈寶水

天真天津寶液神清一咒斬鬼永辟妖精天

罡真炁斬殺邪癘真陽之水永去萬里

右法左手上清訣托水右玉清訣指水先
念前咒七遍次念後咒三遍取東南炁入
水剔訣水中隨水有靈官侍水行之

靈寶針

以神桃枝長五寸作針玉清訣五方炁吹
針針病處令患人三吸三咳嗽出針

誦靈書

大凡治大事存身為元始坐五色獅子又
存頂中有元始金容玉相即左搯玉清訣

觀八

十

右上清訣密誦不拘遍數取東南炁吹一
切符水中隨意用之凡一切符除本咒外
並用此祝

於正經內略出諸咒凡諸符隨事用本咒
本訣或有專祝香咒更用之訖方念中篇

並玉清訣先取東南炁吹又念玉清大咒
取西北炁吹之咒曰

三十二天三十二帝諸天隱諱諸天隱名天
中空洞自然靈章諸天隱韻天中之音天中
之尊天中之神天中大魔天中之靈九和十
合變化上清無量之奧深不可詳敷落神真
普度天人今日欣慶受度歷關諸天請滅三
惡斬絕地根飛度五戶名列太玄魔王監舉
無拘天門東斗主筭西斗記名北斗落死南
斗上生中斗大魁總監衆靈青帝護魂白帝

侍魄赤帝養炁黑帝通血黃帝中主萬神無
越青天魔王巴元醜伯赤天魔王負天擔石
白天魔王反山六目黑天魔王監醜朗馥黃
天魔王橫天擔力五帝大魔王萬神之宗飛行
鼓從總領鬼兵麾幢鼓節遊觀太空自號赫

觀八

十一

奕諸天齊功上天度人嚴攝北豐神公受命
普掃不祥八威吐毒毋猛馬四張天丁前驅大
帥仗幡擲火萬里流鈴八衝敢有干試拒遏
上真金鉞前戮巨天後刑屠割鬼爽風火無
停千千截首萬萬前翦形魔無干犯鬼無妖精

三官北酆明檢鬼營不得容隱金馬驛程普
告無窮萬神咸聽三界五帝列言上清

上清靈寶大法卷之二十三



